

KYRKJEGLØTTE N

NR. 3 — 2021 · 44. ÅRGANG · KYRKJELYDSBLAD FOR MO OG ØSTERFJORDEN



Gje med glede!

Har du merka at ein kan bli glad av å gje?

Pengar, tenester, tid og gåver av ulike slag? Ein kan glede andre, og får glede sjølv. Når du gjev til kyrkja, kan du glede både deg sjølv og andre.

Kyrkjeofringane (ofte kalla «kollekt»)

I kyrkja blir vi minna på at vi er forvaltarar av alt Gud har gitt oss. Her får ein høve til å gje til både misjon, naudhjelp, diakoni og mykje meir. Noko går til kyrkjelydsarbeidet lokalt, alt frå 4-årsbøker til mat på samlingar vert dekkja av dette.

Fast gjevarteneste for søndagsskulen

Frå hausten 2021 ønskjer vi å tilsetje ein prosjektmedarbeidar for søndagsskule i Osterfjorden i 20 % stilling. Vi har allereie lyst ut stillinga. Når ein skal planlegge nye tiltak, er det aller beste ei fast gjevarteneste, der mange forpliktar seg for eit fast beløp i året. Dette står ein sjølvsagt fritt til å endre når ein vil. Vil du vere med? Gå til heimesida www.kyrkja.no/osterfjorden

og klikk på «Om kyrkjelyden». Der finn du «Gjevarteneste» i menyen. Klikk på den.

Andre prosjekt som treng støtte

Kyrkja i Ostereidet treng ein kvit messehakel. Vi har teikningar til ein fin, kvit messehakel frå kyrkja var ny, men hadde ikkje midlar den gongen. No håpar vi nokon vil hjelpe oss til å kome i mål, den kostar ca kr 45 000,-.

Vi er alt i gang med å gjere inngangspartiet i kyrkja finare. Klesstativet vil bli bytt med ei fin knaggerekke, og vi har bestilt eit relief til veggen ved inngangen til kyrkjerommet.

Og vi er i gang med å opparbeide ein etterlengta parkeringsplass ved Hjelmås kapell. Når det skal lagast fortau der, blir det uråd å parkere langs vegen når det er gravferd, konfirmasjonar e.l. Dette siste prosjektet er vi godt i gang med, og gåver har kome inn frå gode sponsorar i næringslivet. Men vi treng meir for å fullføre prosjektet.

Likar du det du les?

Nokre tilsette og frivillede brukar tid og ressursar på å skriva om saker som me håper gjer bladet innhaldsrikt og interessant å lesa. Grafisk formgjeving og trykking kostar. Nokre av desse utgiftene vert dekte av våre fantastiske annonsørar, noko vi er svært takksame for!

Men vi treng meir støtte, og om du har lyst å støtte kyrkjebladet, så kan du det!

Set inn valfritt beløp til kontonr: **3632 58 99098** eller bruk VIPPS til nr **537808**. Merk innbetalinga med "KYRKJEGLØTTEN".

Tusen takk!

Helsing Osterfjorden og Mo sokneråd

Andre gåver?

Det er mange måtar å gje på, og det finst mange høve. Ein kan gje av glede og takksem. Ei alternativ bursdagsgåve for dei som «har alt». For å minnast nokon. I nokre gravferder er minnegåver like mykje ønska som blomar. Har ein ikkje livservingar, kan ein testamentere til ulike gode føremål. Og ein kan sjølvsagt gje einskildgåver til noko ein ønsker å støtte.

Skattefritak for gåver

Gåver inntil 50 000,- kroner kan ein no få skattefritak for. Sjå heimesida for meir informasjon.

Takk for at du er med og støttar arbeidet!

Helsing Osterfjorden sokneråd



GIRO

Underskrift ved girering



Betalings-
frist



Betalt til



Kvittring
tilbake

Blankettnummer

Ore

Til konto

< >



Rause støttespelarar Vedlikehald av Ostereidet kyrkje

Tekst og foto: Gunvor Taule Mjanger

Tekst biletet: Frå venstre: Trond Helland, Frode Tredal, Eirik Eknes, Øyvind Myhr, Atle Landro (bak), Terje Romarheim, Bente Lorentzen.

Kapellet på Apalen vart i si tid bygd på dugnad, og det har lenge vore behov for meir parkeringsareal der. Ved store arrangement og ved gravferder vert det parkert langs fylkesvegen og nedover mot Hillesvåg og Hjelmås. Det vert ikkje lengre råd når det kjem fortau langs vegen.

Mange av dei som gjorde det mogeleg å realisera Hjelmås kapell, og Storstova på Leknes, vil også vera med å finansiera utviding av parkeringsarrealet på Apalen. Innsamling av midlar er komne godt i gang, og fleire bedrifter har vist velvilje og gitt store beløp til føremålet:

Mundal Båt AS, Maritime Engineering AS, Eknes Karosseri AS, Hillesvåg Ullvarefabrikk AS, Romarheim AS, Vaage Karosseri AS, Terje Romarheim AS, Helland Elektro AS, Dekkhuset AS, H. Sandvik AS. Representantar frå mange av dei møttest utanfor kapellet ein dag, slik at me fekk fotografert dei og takka dei for gåva.

Terje Romarheim, medlem i soknerådet, kallar dei framoverlente bedriftsleiarar. Sjølve seier dei dette er ein del av næringslivet sitt samfunnsansvar. Dei har historien med seg, og lærer vidare til neste generasjon at dugnad gagnar bygdene våre. -Me har bruk for kapellet, seier dei. -Og så skal me jo liggja her sjølve ein dag, seier ein, med smil om munnen.

Området på ca tre mål er ferdig regulert, og ein vonar opparbeidninga, som må gjerast frå grunnen av, kan starta neste år.

Tekst og foto: Gunvor Taule Mjanger

Alver kyrkjelege fellesråd har fått kr 3 500 000,- i ekstra midlar til vedlikehald av kyrkjene frå Alver kommune. Dette er statlege midlar som kommunen har fått til fordeling for å minska negative følgjer av koronapandemien.

Koronamidlar er brukt på Lygra, Ostereidet, Lindås og i Alversund.

Dei utvendige murfasadane på Ostereidet kyrkje er totalrehabilitert, laus betong er fjerna og rusta armering utbetra. Heile kyrkja er også malt.

Malerfirma Monsen AS har utført arbeidet. Krzysztof Majcher og Antoni Gubernat kjem begge frå Polen og har jobba i Noreg i mange år, dei sju siste for dette firmaet. Dei arbeider kun med betong og har lang erfaring med denne type bygg.



Konfirmantar 2021



Bak frå venstre: Sokneprest Torbjørn Aamli, Julie Yrene Hegland Magnusson, Kathrine Johannessen, Tina Wedå Midtgård, Alexandra Moldekleiv Sanden
Framme frå venstre: Sivert Strøm, Tuva Moldekleiv Sanden, Adrian Øvsttun Helland
Fotograf: Stanley Hauge



Bak frå venstre: Sokneprest Torbjørn Aamli, Konrad Sjøstrøm, Elisabeth Jakobine Bruland, Jens Nævdal Solberg
Framme frå venstre: Andrine Eikanger, Markus Rød Teigland, Linea Eikanger
Fotograf: Stanley Hauge



Bak frå venstre: Sokneprest Torbjørn Aamli, Noah Urhaug, Leander Kristoffer Haukås, Dave Ashton Hagesæter
Framme frå venstre: Andrea Fyllingsnes Johannessen, Marie Leknes Fyllingsnes, Lea Mari Hindenes



Bak frå venstre: Sokneprest Torbjørn Aamli, Jonas Martinussen, Ingrid Taule Vassdal, Marius Houge Mongstad.
Framme frå venstre: Victoria Teigstad Dyngeland, Sarah Hopland Hamlander, Vanessa Totland



Bak frå venstre: Sokneprest Torbjørn Aamli, Leon Aleksander Veland, Maja Andrine Bjørge Revheim, Oscar Molvik Pettersen
Framme frå venstre: Alva Valaker, Leah Marie Jordal-Aarra, Melina Isadora Lid Myhr

Etikk i fokus – kvifor det?

Tekst: Arthur Kleiveland

Foto: Privat

Svaret på spørsmålet overskrifta stiller, er: Fordi det handlar om dei vala vi gjer kvar einaste dag.

– Måten vi snakkar om kvarandre på er utrøleg avslørande. Til sist er det kvardagsvala som blir avgjerande – dei avslørar bakanforliggjande haldninga, seier tidlegare Bjørgvin-biskop Ole D. Hagesæther.

«Skal eg seja ja eller nei?» «Skal eg gje eller ta?» ”Skal eg oversjå, tilgje, kryssa grenser, stå opp for noko eller velja minste motstands veg?”

Når kyrkjebladet tar opp etiske spørsmål, ser ikkje Hagesæther bort frå at det kan vera nokon som «ryggjar».

– Mange opplever etikk som noko veldig teoretisk, moral på si side kan opplevast påtrengjande. Men det treng ikkje vera slik. Vi treng etikken til å underbyggja dei vala vi gjer. Moral er ryggrada i livet vi lever, og handlar om daglege, meir eller mindre ubevisste val – slik det er tusen av i løpet av ein dag, seier Hagesæther.

El-bil, samliv og livets slutt

Han meiner valet mellom el-bil eller bilar med fossilt drivstoff bør vera gjenstand for etisk refleksjon. Det same gjeld viljen til gjenbruk. Og Hagesæther held fram:

– Korleis vi ordnar samliva våre bør ikkje vera basert på det tilfeldige. Våre val ved livets start og avslutning bør absolutt sjåast og reflekterast i eit etisk perseptiv, seier han.

Vi lever berre ein gong, vi har aldri gjort det før. Hagesæther ser det er veldig krevjande å velja veg utan haldepunkt – spesielt når vi ikkje har viskela i verktøykassen. Difor tenkjer han det kan vera klokt å lytta til andre sine erfaringar, særleg når ein kjenner eit personleg behov.

Ein farfar i livet

– Ingen ønskjer å få kloke menneske sine «storarta erfaringar» tredd nedover hovudet på seg. Annleis er det når råda kjem frå ein som vi har tillit til, seier Hagesæther, og samstemmer med artisten Odd Nordstoga om at «Ein



farfar i livet skull 'alle ha' - «ein bessfar å vende seg til med alt ein går rundt og lurar på». «For farfar har vore her før».

– Vi treng forbilde. Teikningar som nokon før oss har lagt etter seg, og som vi andre kan bruka når vi skal teikna våre eigne liv, seier Hagesæther. Som gut hadde han eldre kristne ungdommar som forbilde. I samlivet med Else Liv har han og kona hatt andre ektepar som forbilde.

– Vi ser korleis dei møter kvarandre, ventar på kvarandre, og stimulerer kvarandre.

«Fru Johnsen»

Ole D. Hagesæther er tydeleg på at vi sjølv må ta ansvar for dei vala vi gjer, og at vala våre i praksis viser kva moralsk standard vi har.

– Vi kan lytta til andre, men er ansvarlege for vala sjølve. Slik må det vera - vi er frie menneske. Det er plagsamt når andre menneske tiltar seg definisjonsmakt og bestemmer over andre sine liv.

Hagesæther viser til kontrastane som «Fru Johnsen» opplevde, ifølgje Inger Lise Rypdal sin song; «Tilsynet for høg moral» sette seg til dommar over hennar livsførsel, samtidig som dei sjølve i det skjulte levde usannferdig og løgnaktig. - Det må ikkje vera slik, seier han.

Vårt store forbilde

Hagesæther framhevar at vårt store felles forbilde, Jesus, sette alt på plass då han sa at den som var rein, kunne kasta den første steinen (Johannes-evangeliet kapittel 8).

– Vilje til å vera raus er eit kjenneteikn på god moral. Respekt for menneskeverd er ein verdi alle bør samla seg om. Over heile jorda er Jesus eit udiskutabelt forbilde. Han levde som han lærte. Han har heile oversikta.

– Her i kyrkjelydsbladet vil vi henta fram nokre av dei sterke formuleringane han la igjen etter seg. Livsstilen hans viser oss moral i praksis.

FYLKESORDFØRAR JON ASKELAND:

- Asylsaka var eit stort etisk dilemma

Tekst og foto: Håkon Glatved-Prahls

Usemjø og dei steile frontane i samband med forslaget om å leggja eit asylmottak til Hordabøheimen i 2015, var den verste saka Jon Askeland hadde som ordførar på Radøy.

– Det var eit ufatteleg etisk dilemma. På den eine sida hadde Noreg som nasjon ei plikt til å hjelpe fortvila flyktningar ved å leggja til rette for asylmottak i kommunane. På den andre sida utløyste forslaget om asylmottak på Hordabøheimen både sinne og sterke anklagar. Radværingane var splitta på ein måte som tok nattesøvnen frå meg meir enn ein gong, seier Jon Askeland.

Han hugsar folkemøte frå den tida som var heilt forferdelege. Det er eigentleg det verste som kan skje eit lokalsamfunn, at ei bygd og innbyggjarane i kommunen kan bli så fullstendig splitta i ei så krevjande sak, meiner han.

– Det var særdeles tungt. Men så viste det seg at det ikkje blei semje mellom Norsk Mottaksdrift og huseigar Radøy Bemannning AS om leigeavtale, og planane på Hordabøheimen vart skrinlagde. Cirka trekvart år seinare vart det etablert asylmottak på Radøy tunet. Og då stilte Hordabø opp! Det var flott å sjå! Heile Radøy-samfunnet stilte opp for asylantane.

To store etikksaker

Den sindige senterparti-karen frå Sæbø vart vald til ordførar i Radøy i 2007, og gjekk frå dette vervet direkte over til å bli fylkesordførar i nye Vestland fylkeskommune for to år sidan. Han meiner det var langt fleire etiske problemstillingar tidlegare enn i våre dagar.

– Etikken er løfta fram på ein måte som gjer at vurderingar om kva som rett eller feil er gjennomgåande i all saksutgreiing og styresett, seier han.

Fylkeskommunen har nedfelt etiske retningsliner og har også eit eige etikkutval.

– Har det vore mange saker i etikkutvalet?

– Nei, faktisk ikkje, ingen saker har hamna i dette utvalet. I mi tid som fylkesordførar har vi hatt to store, etisk utfordrande saker, men begge desse sakene vart raskt løfta opp på eit høgare nivå og fekk si løysing der.

Positivt med friske debattar

Askeland trekker samstundes fram kommunelova, som

også er tydeleg på kva som er innanfor og uanfor dei etiske normene.

– Det normative – kva samfunnet meiner er rett og gale av dei folkevalde – er blitt langt trongare no enn for ti år sidan, for ikkje å snakka for 20 år sidan.

– Så merksemda rundt etikk er større i dag?

– Ja, mykje større. Vi lever i ei tid der individets rettar er blitt veldig framtredande. Kommune og fylkeskommune har større krav på seg til å grunngje vedtak ut frå grunnleggjande rettspraksis, basert på eit likehandsamingsprinsipp.

Fylkesordføraren meiner vidare det er positivt og sunt med debattar på Facebook, men det er ikkje synspunkta framført på sosiale medier som skal vera retningsgivande for dei folkevalde sine vedtak.

– Men alt er blitt meir ope no, det er i dag heldigvis langt vanskelegare å gjera vedtak i lukka rom.

– Knytta never mot meg

– Har du nokon gong fått karakteristikkar mot deg som du føler er over streken?

Jon Askeland stryk den 17 år gamle katten Mimmi over pelsen medan han tenkjer etter.

– Eg trur ikkje eg har opplevd det. Eg har nok vore heldig i så måte. I samband med diskusjonane før kommunenesamanslåinga var det nokre steile frontar som utkristalliserte seg, og det kunne koma litt tøffe kommentarar, men når folk er veldig engasjerte, må dei få lov til å ytra seg. Men for all del – eg har hatt folk på ordførarkontoret på Manger som nærmast har knytta never til meg, seier Askeland, og held fram:

– Når enkelte har vore fortvila over eit eller anna og bedt om eit møte med meg, så har eg svara: Eg kan kanskje ikkje hjelpe deg, men eg vil gjerne høyra på deg. Det er ein type etikk i det også. Det kan gagna både personen og situasjonen, og for meg som tillitsvald er dette av stor verdi. Mange ønskjer å møta ein tillitsvald – som ordføraren – i staden for administrasjonen.

– Ein klapp på skuldra hjelper

– Har du døme på at du sjølv har brukt uttrykk overfor personar som du har angra på i ettertid?



Det er vanskeleg å fastslå om det var katten Mimmi eller Jon Askeland som var mest glad for å sjå kvarandre igjen etter at fylkesordføraren kom tilbake frå ferie i Nordfjord. Tilfredse er dei i alle fall begge to.

– Eg vel å tru at eg ikkje har gått til djupe personangrep, men at eg har slurva med leppa i kampens hete, er det ingen tvil om.

– Har du som ordførar måtta klubba ned ufine kommentalarar?

– Ja, så klart, det har eg. Ein må gjerne føra heftige debattar, men eg har som leiar både i Radøy og i fylket uttalt at eg ikkje vil tolerera ufin oppførsel. Eg har alltid meint at ein etter tøffe ordskifte skal kunna klappa kvarandre på skuldra etterpå, også om du har blitt klubba ned. Det har eg vore heilt klar på, seier Jon, som har politiske motstandarar blant sine beste vene.

– Har det å vera politisk leiar gjort noko med di eiga etiske tenking?

– Eg kan i alle fall seia følgjande: Pass alltid på dei som står bakarst i køen. Eg er blitt meir bevisst på at samfunnet sin kvalitet blir målt på korleis vi tek vare på dei svakaste, dei som har færrast talspersonar. Det har vore ei nyttig erkjenning og ei viktig haldning å ha opp gjennom åra, avsluttar Jon Askeland på gardstunet heime på Sæbø.

Knarvik Blomsterstove 

Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no



VATNE
begravelsesbyrå 

Tlf: **56 35 09 10** (24t)
Kvassnesvegen 11, 5914 Isdalsbø
vatne-byra.no



Øyvind Heggernes, helsefagarbeidar og gatemisjonær.

Øyvind Heggernes er 42 år, kjem frå Askøy, bur no i Austmarka på Radøy. Gift med Karethé, to born. Jobbar som helsefagarbeidar på Meland sjukeheim.

Ei spennande fortid, ei spennande framtid

Tekst: Anne Sofie Nergård Uthaug og Gunvor Taule Mjanger

Foto: Gunvor Taule Mjanger

Øyvind Heggernes skil seg litt ut frå dei fleste helsefagarbeidarar. Ei litt tøff ytterside rommar eit bankande hjarte for dei eldre han arbeider med. Men den rommar også ein historie som er verdt å høre.

Eg møtte Øyvind på Meland sjukeheim på besøk til mor mi, fortel Anne Sofie. Ho innrømmer at ho vart overraska med det same, ein stor sterk mann med nokre tatoveringar som bar preg av eit anna liv. Men ho såg også at han hadde eit godt lag med bebuarane med eit mildt og fint vesen - god til å aktivisera dei gamle, og med mykje respekt for hennar mor med demenssliding.

- Korleis hamna du her, Øyvind?

- Eg har ei historie, ei spennande fortid, men ei spennande framtid også, seier Øyvind. Han vaks opp i ein kristen heim med ein god barndom. Starta med litt festing i 14-årsalderen, slik dei fleste unge rundt han også gjorde. Nokre av dei drog det litt lenger enn dei andre, starta med hasj og gjekk vidare til andre stoff. Øyvind kom i fengsel første gong som 18-åring, han feira dagen der. Då var han avhengig av amfetamin og han vart introdusert for heroin i fengselet. Han vart heroinbrukar fram til han var ca 30 år. Ni fengselsopphald vart det, og han brukte stoff heile tida. Litt stoff innanfor fengselsmurane gjev rolegare forhold, det vil alltid vera stoff i fengsel, trur han.

Mora har alltid bede for sonen sin. For 25 år sidan sa ho at ho var roleg for han, ho hadde lagt Øyvind i Guds hender. Ho var sikker på at han ville bli gatemisjonær. Øyvind beundrar mor si: - Når alt går på skinner og du kan ropa halleluja, er det lett å tru på Gud. Det er vanskelegare når du står i stormen, men ho gjorde det.

No er han gatemisjonær, i Bergen.

Vart fri

Øyvind prøvde avrusing i institusjon fleire gonger, utan å lukkast. Mora spurte om han ville prøva ein gong til på ein kristen rehabiliteringsheim, og han sa ja. Då kom han til

TRENG DU NOKON Å SNAKKE MED?

Nokre som ringer tenkjer på å ta sitt eige liv, andre er usikre, einsame eller redde. Nokre treng berre å slå av ein prat.

Ring eller skriv: Vi er her. Alltid. kirkens-sos.no

SOS
22 40 00 40

SOS
CHAT

SOS
MELDING

 **KIRKENES SOS**

Nappane, og han hadde med seg heroin for nokre dagar. Så ville han ringja mora og seia at han hadde prøvd, men det gjekk ikkje. Men, då møtte han Jesus som han aldri før hadde gjort det, og vart fri! Fri frå rus, abstinensar, banning og alt anna som følgde med.

– *Slike vitnemål gjev anten håp, eller ‘-ja, ja, slik har det ikkje vore for meg’.*

– Kvifor det vart slik for meg og ikkje for andre, veit eg ikkje, seier Øyvind. – Det er ikkje alt me kan forklara. Gud veit mykje me ikkje veit.

Øyvind har stor tillit til Gud. Han vil be for folk, fordi Jesus seier me skal gjera det. Så ligg det i Guds hand vidare. Sjølv har han framleis vondt i ryggen. Han kan ikkje forklara kvifor, når han er fri alt det andre som har plaga han, men Gud veit det.

– Me trur på personen Jesus og hans historie, men ofte trur me lite på det han ber oss om å gjera, seier Øyvind. Sjølv trur han 100 % på Jesus, han trur det er mogeleg å følgja Jesus og gjera som han har sagt.

Øyvind har ikkje hatt ein dag han har hatt lyst på rus, minna tyngjer han ikkje. Han er på gata i rusmiljøet kvar veke. Dei som kjenner han der, seier han er ein annan. Han ber bilete av den himmelske, slik det står skrive, trur han.

Frimot og respekt

Etter opphaldet på Nappane, jobba han der ei tid, før han fekk eit vikariat på Bergen Kontaktsenter. Kristen rusomsorg er mykje vilje og evne, men mindre fag, hevdar Øyvind.. Han ville jobba med menneske med rusproblem og ta helsefagutdanning, sidan han såg behovet for fag. I utdanninga fekk han praksis på Meland sjukeheim, og likte seg godt. Sjefen sa han gjorde ein god jobb, og gav han stilling der. Øyvind har no vore der i fem år, og trivst framleis godt. Han er glad for at han får vera kristen på jobb, vera med å møta også det åndelege behovet til dei som bur på sjukeheimen, når dei ønsker det.

Er dei tøffe erfaringane dine noko du har nytte av i arbeidet ditt no?

– Det eg har gått gjennom, har gjort meg til den eg er, seier han, og det er den eg er Gud vil bruka. Øyvind veit kva einsemd og isolasjon i institusjon er for noko, og kan bruaka ei brokete fortid til noko positivt. Han vil gjera dagane for andre litt betre. « Alle ting tener til det gode for dei som elskar Gud», står det skrive.* Gud kan bruka vonde erfaringar når dei først er der, til noko godt. – Eg prøver å tenkja at det kunne vore mine foreldre som budde på sjukeheimen, seier Øyvind.

Det viktigaste er ikkje at det er strekk i lakenet, at gardinene heng rett og slike ting. Dei som bur på sjukeheimen skal kjenna seg meir som eit menneske enn som ein pasient. Dei skal ha det godt, seier Øyvind.

*Rom 8.28



Fengselstatovering med ny tyding: Always carry a Bible.

HELLAND ELEKTRO AS

EL.INSTALLASJON - INGENIØRTENESTER - SERVICE

Torhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Føretaksregisteret: NO 986 751 718 MVA

SIKRINGEN
din elektriker

Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjæresteineine der du trenger det.

Ta kontakt
Jøl tlf.
4013 6666

Båten har alle sertifiseringar i orden, den er også godkjent som slippbåt.

MS Glimt er her et dekksskip på 22 m², og en kapasitet på 3 tonn. I tillegg er det en kran med 5 tonn løftevikt. Båten har også en kjeramoppe som kan legges ned for å frakte f.eks. minibrävar, ATV, motorisert trillebår, lift, stillas eller lignende. Båten står i m dypt.

Bøvågen Service AS
Bøvågvegen 16, 5934 Bøvåg
Tlf: 4013 6666

Vi kan levere totalslakar med båttransport, stillas, maskinutleie, brennere og matere, att du måtte ha behov for. Vi har personell og utstyr til å bygge/rehabilitera kai, naust, hytter og hus.

RISNES ELEKTRO AS

Elinstallatør • tlf. 56349620

Bygg Team VEST AS

Alt innan tømrarfaget!

Konfirmasjon

Av sokneprest Kjell Johan Sekkingstad

Konfirmasjonstida er ei tid for læring, og konfirmantar har lært meg mykje. For dei stiller slike spørsmål:

Har du nokon gong tvilt på Jesu oppstode?

Trur du på «Big Bang»?

Kva ventar oss når vi døyr?

Er det kjekt å vera prest?

Eg har undervist konfirmantar i meir enn 25 år. I alle desse åra har ungdomane stilt spørsmål og utfordra meg, og det har fått meg til å forstå kva det er å vera ung, kva det er å vera menneske og medmenneske, og om livet. Det har gjort noko med meg og med trua mi.

Ordet konfirmasjon kjem frå det latinske *confirmare* som tyder å stadfesta, styrkja, kveikja opp. Tidlegare låg vekta på at det var konfirmanten som stadfesta Guds-trua si. Det er framleis mange som fortel at på konfirmasjonsdagen svara dei ja på at dei ville stadfesta dåpslovnaden, og dei ser tilbake på dette som ein viktig dag og eit viktig svar.

I dag er det større forståing for at tru ikkje er noko statisk. Trua endrar seg med tida og med erfaringar som vi gjer. Tru og tvil lever side om side og dominerer i vekslande grad.

Difor er konfirmasjon ei tid for å læra meir om kven den treeinige Gud er. På same måten som vi styrkjer og fornyer relasjonen når vi møter nokon vi har møtt før – kanskje for lenge sidan, er konfirmasjonstida ei tid for å fornya og styrkja relasjonen til Gud. Og i den avsluttande forbønsgudstenesta seier Gud: «Her er vi, du og eg. Eg stadfester relasjonen vår. Eg styrkjer deg, og gjev deg kveik til livet vidare.»



Robert Hermansen og Emilie Sofie Kalland er to av konfirmantane på Manger i år.

HELÅS AS

- Gravminner og benkeplater
- Salg av nye steiner
- Vedlikehold
- Reprasjoner (nytt gull eller lakk)
- Navnetilføyelse
- Arbeid på kirkegårder (rette opp og sikre steiner)

Bare ta kontakt dersom du har spørsmål.
Tlf 93 03 75 94 / 56 37 35 45

GÅRDBRUKERSERVICE

LANDBRUK & MARINA Etablert 1981

KULTUR-KALENDER

Søndag 26. september

Kl. 18.00 i Manger kyrkje. Fri entré.

«Jeg går i tusind tanker»

I høve 250-års-jubileet for Hans Nielsen Hauge tek Frode Skag Storheim oss med inn i Hauge si verd gjennom historie, kunst og musikk.

Meir info og reservasjon av plass på <https://autunnale.no/program-2021/hans-nielsen-hauge/>

Sjå også <https://kyrkja.no/bjorgvin>

Laurdag 23. oktober

Kl. 16.00 i Knarvik kyrkje:

«Eit lite rom» - konsert med Else Olsen Storesund (song, piano, trøorgel) og Solveig Sørheim (song, orgel, trøorgel).

Søndag 24. oktober

Kl. 19.00. Minnekonsert i Meland kyrkje for Arvid Sakseide.

Velkommen til ein konsert der vi vil minnast Arvid i tonar og ord. Eit variert musikalsk program vert framført av nokre av dei aktørane Arvid hadde samarbeid med.

Fredag 12. november

Kl. 19.00. Konsert i Meland kyrkje med Solveig Leithaug.

Onsdag 20. oktober

kl. 19.00 i Knarvik kyrkje

Prest og forfattar Eyvind Skeie kjem til Knarvik onsdag 20. oktober kl. 19. Skeie vil leie ein salmekveld, og med på laget er Alversund kammerkor. Skeie står bak 600 salmar, og han har gitt ut ei eiga salmebok med salmar han sjølv har dikta eller omsett. Skeie er ein av dei med flest salmar i Norsk salmebok. Mellom mykje anna har han også skrive manus til Sesam stasjon og Portveien 2.

Skeie seier sjølv om salmekvelden: «Det gir meg stor glede å komme rundt i norske kyrkjelydar. Det er fint å kunne presentere sine salmar og tankar, men alle best er det å kunne dele inspirasjon og glede. Eg vil gjerne at folk skal oppleve eit rikt spenn av kjensler på salmekveldane mine. Salmen er først og fremst menneskets stemme, i tekst og musikk. Den er gudshenvendelse, i slekt med bøna, både i glede og sorg, tru og tvil.»

Det blir gratis inngang og kollekt ved utgangen.



Tilbake i kirkebenken etter nedstenging

Tekst: Jan Ranrud, benkeslitter i Melandkyrkja.

Det var litt som å komme hjem fra eksil. Vår tid utenfor et korona-lukket kirkebygg var jo slett ikke i nærheten av så dramatisk eller så lenge som Israels-folkets mange tiårs eksil i Babylon. De var tvangsfordrevne flyktninger i et annet land. Vi har bare måttet passe på et par meters avstand til hverandre. Men Israels-folket satt ikke bare ved Babylons elver og gråt over savnet av Sion. De tok vare på det de hadde samtidig som de lærte mye nytt. De skrev profetiske og poetiske skrifter og hadde med seg mye nytt tilbake.

Det har vi også. Prester, stab, råd og frivillige har mestret uvante situasjoner

på glimrende måte, og gitt oss gudstjenester, forkynnelse og musikk på nett. Vi har hatt rebusløp, uteaktiviteter og kunstutstilling. Mange av oss har fått oppgradert IT-kunnskapen, i mitt tilfelle fra nesten null til litt over.

Mange av oss her i Alver har jo sluppet billig fra pandemien, og jeg for min del er svært glad for å kunne sitte i trebenkene i Melandkyrkja på søndagene for å få tilbake strukturen på ukene. Og for å oppleve igjen fellesskapet av levende mennesker, levende liturgi og musikk.

Og for å kunne se fram til å sitte i nye seter i en ny kirke på Frekhaug.



Frå kyrkjebenken

Tekst: Per Bjørkhaug

Foto: Aud Bjørkhaug

- Kor lenge har du vore aktiv i kyrkjelyden?

For meg starta aktivitetsauken i kyrkjelyden i Radøy med å delta i soknerådet i 2 perioder frå 2012 - 2019. Dette opna opp for mange nye spennande bekjentskap. Oppgåver som medliturg på gudstenester, og deltaking i Utval for Diakoni og Misjon er fellesskap og tenester som er inspirerande å vera med i. Desse har gitt meg anledning å bli kjend med mange nye, flotte personar i kyrkjelyden vår.

- Kva set du mest pris på ved kyrkjelyden?

Gudstenestefellesskap der Jesus Kristus vert forkjent, og at vi har 2 flotte, svært dyktige organistar, som berikar gudtenesteopplevinga for oss; når dei leier og lyfter oss i salmesong, lovrising og all musikk dei bidreg med. I tillegg vil eg nemna alle dei gode opplevingane som berre kjem når vi samlast, anten til gudsteneste eller i andre samanhengar.

- Korleis vil du skildra kyrkja?

Hordabø kyrkje er mi nærværkyrkje og den eg kjenner meg mest knytt til. Det har sikkert også noko med at det var her far fortalte han i sin ungdom gjekk og hørde på prestane Holmås og Rød. Her møter eg engasjerte folk både i kyrkjelydsutval og elles. Sjølv om ein alltid skulle ønskt seg fleire på gudstenestesamlingane, opplever eg at kyrkja betyr noko for folk i bygda og vert sett pris på. Eg tenkjer at dette alltid vil vera ei utfordring at fleire kunne vera med og ta del.

- Kva salme syng du gjerne for tida?

Nett no er det ein gammal Kingo-salme frå 1689; ein salme alle kjenner og som dei fleste av oss har hatt med oss frå barndommen av. Ein salme som tidlegare ofte avslutta dei fleste kristne fellesskap. Eg tenker på salmen: Skriv deg Jesus på mitt hjerte, som dei fleste av oss har sunge mange gonger. Då kan det også vere at orda og innhaldet kan koma litt vekk i gjentakinga. Salmen vart på ein måte "ny" for meg att, då den for kort tid sida vart teke fram i ein andakt eg las. Her er teksten - til ny ettertanke.



FAKTA

Namn:	Per Bjørkhaug
Alder:	70 år
Bustad:	Villanger på Radøy
Yrke:	Pensionist. Utdanna sosionom/diakon. Har arbeidd i privat og offentleg sektor.

*Skriv deg Jesus, på mitt hjerte, du min konge og min Gud,
at ei lyst, ei heller smerte, deg formår å slette ut!*

*Denne innskrift på meg sett: Jesus i fra Nasaret,
den korsfestede, min ære og min salighet skal være.*

- Kva kjenneteiknar ein god kyrkjekaffi?

Den gode drøsen rundt kaffien er her eit sikkert kjenneteikn på "God Kyrkjekaffi". Den har vore eit sakn i desse koronatider, men godt den no er på veg inn att.

NORDHORDLAND BEGRAVELSESBYRÅ

Ditt lokale gravferdsbyrå

ALLTID HER FOR deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Havnevegen 31 Elvavegen 1
Alversund Frekhaug Dalekvam



MELAND ELEKTRO

AUTORISERT ELEKTROENTREPENØR

Mjåtveitflaten 45 • 5918 FREKHAUG
Tlf 56 17 87 00 • post@melandelektr.no
www.melandelektr.no



MIN SONG

Karina Andersen (24 år) Bur på Stranda. Ho er utdanna barnevernpedagog og arbeider no som barne- og ungdomsarbeidar i Nordhordland indremisjon.

Dette er ein song som har betydd mykje for meg i lang tid. Sjølv kan eg ofte oppleva at det kan vere vanskeleg å be. Det kjennest nokre gonger så stort og uforståeleg. Korleis kan mine enkle ord ha noko å seie i den store samanhengen? Då er det godt å minnast om at det ikkje er mine formuleringar, eller mine svake hender det står på. Vi ber til ein allmektig Gud, som høyrer før vi ber, og som har omsorg for kvar enkelt av oss.

*Det er makt i de foldede hender,
i seg selv er de svake og små.
Men mot allmaktens Gud du dem vender,
han har lovet at svar skal du få.*

*Det er svar undervegs, engler kommer med bud.
Om det drøyer, det fram dog skal nå.
For det lovet jo løftenes trofaste Gud:
Kall på meg, og du hjelpen skal få.*

*Du som ber for ditt barn, dine kjære,
er i forbønn fra år og til år.
Om du tålmodets lekse må lære,
himlens bønnesvar engang du får.*

*Det er makt i de foldede hender,
når i Frelserens navn du får be.
Og en gang, når du livsløpet ender
hvert et bønnesvar klart skal du se.*

VAKSDAL BLOMSTER OG BEGRAVELSESBYRÅ AS

Vi ordnar alt vedrørende dødsfall.
Kransar, oppsatsar og bårebukettar
fritt levert til gravferda. Gravmonument.

Tlf. 56 59 74 70



NORGESHUS

Hindenes Hus

Hindenes Hus AS - 5993 Ostereidet
Tlf.: 56 35 25 80 - andre.vabo@norgeshus.no

Gravminne



- Ring for katalog
- Navnetilføyning
- Gravstell
- Oppussing



Sauvågen 251 - 5913 Eikangervåg - tlf 56 35 77 30

Torill Foto

Hjelmås
Tlf.: 56 35 52 90

REMA 1000

OSTEREIDET

Hjelmås

VVS a/s

Torhusmyrane 2 - 5913 EIKANGERVÅG
Tlf. 56 35 40 50
E-post: hjvvs@hjelmaas.no



BYGGtorget

KÅLAS BYGG AS
Tlf. 56 35 33 70 - www.kalasbygg.no

Slekters gang

Mo:

Døypte:

28.03.21 Karianne Halvorsen Tysse
12.06.21 Anna Steinsland Natås

Vigde:

12.06.2021 Kari Steinsland og Asmund
Natås

Døde:

05.08.2021 (dødsdato 28.07.2021)
John Sigvart Eide
12.08.2021 (dødsdato 06.08.2021)
Anny Målfrid Farestveit

Osterfjorden:

Hjelmås kapell:

12.06.21 Nora Rud Brakvatne
25.07.21 Elisabeth Molvik Hopsdal

Vike kyrkje:

20.06.21 Vetele Westervik Stusdal

Ostereidet kyrkje:

08.08.21 Viktor Fammestad

Andre kyrkjer:

23.05.21 Amalie Sande Blindheim
(Knarvik kyrkje)
23.05.21 Oliver Vimme Hindenes
(Lindås kyrkje)
18.07.21 Agnes Mjølsvik Kårdal (Knarvik
kyrkje)

Døde:

Hjelmås

28.04.21 Bjørg Hjelmås

Ostereidet

11.05.21 Karen Helene Bjørge

Vaage Karosseri as

Tlf. 56 35 63 50



OSTEREIDET
Kro
smakfulle frustelser

Visitas er stas

Visitas er stas, det tykkjer i alle høve eg. Av alle dei oppgåvane ein biskop har, er visitasen noko av det mest sentrale. Ordet biskop tyder «tilsynsmann/-kvinne». Og under ein visitas handlar det nettopp om å utøve tilsyn, altså å sjå til kyrkjelydane som eg har ansvar for.



Ordet «tilsyn» kan ha ein viss trugande klang over seg. Vi veit alle at når mattilsynet dukkar opp på ein etestad, kan visitasen ende med at verksemda vert stengt. Slik er det ikkje når biskopen kjem. Den viktigaste delen av mitt tilsyn handlar om å sjå til kyrkjelyden i positiv tyding, ved å heie fram og oppmuntre alt det gode arbeidet som skjer hjå dykk i Osterfjorden og Mo. Det trur eg ikkje blir vanskeleg.

bispedøme. Eg kjem for å helse på dykk, og helse frå alle dei andre i denne familien. Eg vil minne dykk om den store fellesskapen de høyrer med i, og samtale med dykk om korleis de skal vere kyrkje på dykkar stad i denne tida. Men mest av alt vil eg forkynne for dykk den bodskapen om Jesus Kristus som kyrkja er grunnlagt på. Det ser eg fram til!

Beste helsing

Halvor Nordhaug
Biskop i Bjørgvin

Ny trusopplærar i Osterfjorden

Ove I. B. Danielsen er 48 år, og vaks opp i Odda. Han er gift med Lene, og dei har ei dotter, Ingeborg (9,5 år). Busett på Hellesneset, Hjelmås, i Alver kommune. Han er utdanna helsefagarbeidar, og gjekk musikklinja på Bibelskulen Bildøy og Framnes Folkehøgskule.

Den nye trusopplæraren har m.a. arbeidd som barne-og ungdomsarbeidar i Indremisjonen, og jobba turnus på rus/psykiatri-institusjonar for ungdom i ca 19 år i Odda og Bergen kommune. Ove har også eige foretak som freelancemusikar (OVEMUSIKK) og gjennom det syng og spelar han mykje i gravferder og vert brukt som kyrkjemusikar i gudstenester i Nordhordland og Bergen. Han har og ein del konservertksemnd åleine og i lag med andre.

Ove har på frivilleg basis arbeidd mykje med barne- og ungdomsarbeid; barnekor, ungdomskor og voksenkor - som pianist og dirigent.

Han gler seg til å få driva med Trusopplæring i Lindås og Osterfjorden. Det er ein liten stilling (50%), men han skal prøva å få gjort så mykje ut av det som råd er. Småbarnstrall,



Lys Vaken, Mi Kyrkjebok og kontakt med barnehage/skule er hovudfokus no framover.

Stillingen søkte han fordi han brenn for at borna skal få VERA hos Jesus når dei veks opp. Det må vi hjelpe dei med, slik som med alt anna her i livet.

I kvardagen vert han ekstra glad når det er sol på terrasen, kaffien er klar og dagen er oversiktleg. Han likar å planleggja, og ha orden, og dette hjelper han til å finna SI retning inn i dette arbeidet. Han startar dagen med andaktsbok, og anbefalar "Plussord" av Egil Svartdahl. Kort og konsist, ein god start.

Tankestrek

Av Sokneprest Torbjørn Aamli

Vaner og uvaner etter koronatiden

Etter koronaen?

Mange politikere har denne sommeren blitt spurt om hva de vil ta med seg fra korona-tiden. I kirken spør vi oss om det samme: Av gode grunner har mange fått nye vaner. Gudstjenestebesøket på landsbasis falt med 60% siste året. Jeg og forstår godt hvor deilig det er med en langsom frokost på søndagen. Men hva vil det bety om vi ikke finner tilbake til gudstjenestevanene fra før pandemien? Eller enda bedre: forbedrer dem?

Nyere hjerneforskning

I boka «Kunsten å forme livet» skriver Stian Aarebrot om at hjerneforskningen ikke støtter tanken på at en må ha de rette motivene for å gjøre riktige handlinger. Det er heller motsatt. Ønsker du å bli mer gavmild, så begynn å gi. På den måten trener du deg selv til gradvis å bli mer gavmild. Da gir det mening når Paulus oppfordrer til å øve seg i guds frykt, som en idrettsmann.

Vi blir det vi gjør

Enkelt sagt kan vi si at vi blir det vi gjør. Vanens viktige funksjon er å spare krefter. Det er det å ikke ha vaner, som krever mest energi. Rutinen frigjør oss fra å måtte velge på nytt hver gang. Den første gangen er vanskeligst, enten vi gjør det gode eller det gale. Både tanke- og følelsesvaner lagres i hjernen. Dette er en av grunnene til at vi trenger å friske opp vanen med å følge Jesu eksempel:

«Jesus kom også til Nasaret, hvor han var vokst opp, og på sabbaten gikk han inn i synagogen, slik han pleide.» Luk 4,16

Hvorfor er gudstjenesten viktig?

Synagogen var Jesus sin kirke. Her hørte han Guds ord, og var med på bønnene. I vår gudstjeneste har vi også dåp og nattverd, og ikke minst møter vi hverandre. Her får vi hjelp til å holde på de gode vanene: Høre Guds ord, og delta i nattverden – som kan skape tro, håp og kjærlighet i oss. Her kan vi få nye venner og relasjoner. Vi trenger medvandrere, og sammen kan vi oppmuntre hverandre og bære hverandres byrder, mens vi har en himmel over livet vårt.

Velkommen til gudstjeneste!

Tilsette Mo



Lars Bjarte Nesheim
Kyrkjeverje
976 75 416



Antje Michelau-Meyn
Trusopplærar / 56 59 90 34
antje.michelau-meyn@modalen.kommune.no



DEN NORSKE KYRKJA

Ostereidet kyrkjekontor

Ørnnova 21, 5993 Ostereidet

Opningstid: mandag, tysdag og torsdag, kl 09.00 – 15.00.

Telefon: 4000 1691

kvar dag kl 10.00 – 14.00.

post.osterfjorden@kyrkja.no www.
kyrkja.no/osterfjorden

Facebookside:

Kyrkja i Osterfjorden

Kontonummer: 3632 58 99098

Vipps: 537808

Hugs å merke kva betalinga gjeld.

Mo kyrkjekontor

5729 Modalen

Kontortid: mandag og onsdag kl.
8.00 – 15.30.

Telefon: 56 59 90 33 larsbjarte.
nesheim@modalen.kommune.no

Facebookside:

Mo sokn

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no

www.kyrkja.no/alver

Kyrkjeverje: John Fredrik Wallace

jw734@kyrkja.no

Leiar i fellesrådet: Grethe Lunde,
gr-lunde@online.no

Soknerådsleiarar:

Osterfjorden: Geir Ove Hopsdal
901 18 278

Mo: Henning Birkeland,
994 70 008

Kyrkjeglötten

Utgjevar: Sokneråda i
Osterfjorden sokn og Mo sokn,
i samarbeid med Meland sokn,
Knarvik sokn og Radøy sokn.

Redaktør: Gunvor Taule Mjanger

Lokal redaksjon: Torbjørn
Aamli, Ole Einar Eide Eidsheim,
Anne Berit Eknes, Gunvor Taule
Mjanger, Lars Bjarte Nesheim

Grafisk design: Simen Søvik

Trykk: Bodoni AS

Framsidebilete: Anne Sofie N.
Uthaug



Helge Taranrød
Prost
ht759@kirkjen.no



John Fredrik Wallace
Kyrkjeverje
jw734@kyrkja.no

Tilsette Ostereidet



Anne Sofie Nergård Uthaug
Dagleg leiar - 404 62 647
au887@kyrkja.no



Marit Færøy
kyrkjetenar



Torbjørn Aamli
Sokneprest
476 21 201 · ta576@kyrkja.no



Bjørn D. Nygård
Kateket
412 59 586 · bn458@kyrkja.no



Boris Kuprijanov
Organist
920 60 993 · bk365@kyrkja.no



Sonja B. Molvik
Sekretær
sm769@kyrkja.no

Gudsteneste-kalender

19. september

Ostereidet kyrkje kl 11.00
v/Magne Bjørndal m.fl.
Hausstakkefest.
Familiegudsteneste.

26. september

Mo kyrkje kl 11.00
Presentasjon av nye
konfirmantar.
v/Torbjørn Aamli

3. oktober

Ostereidet kyrkje kl 11.00
v/Torbjørn Aamli
«Den som gjer, skal skjøne»

10. oktober

Vike kyrkje kl 17.00
Gudsteneste for små og
store
v/Helge Taranrød

17. oktober

Ostereidet kyrkje kl 11.00
v/Magne Bjørndal
«Den rike mannen og
Lasarus»

24. oktober

Hjelmås kapell kl 11.00
v/Torbjørn Aamli
«Bli barn av Lyset!»

28. oktober

Musikkgudsteneste i
Modalen kl 18.30
i samband med
bispevisitasen.

31. oktober

Ostereidet kyrkje kl 11.00
Visitasgudsteneste
Biskop Halvor Nordhaug
m.fl.

7. november

Ostereidet kyrkje kl 19.00
Helgemessesundag.
Minnegudsteneste.
v/Torbjørn Aamli

14. november

Ostereidet kyrkje kl 11.00
Familiegudsteneste.
4-årsbok.
v/Magne Bjørndal

21. november

Hjelmås kapell kl 11.00
«Ta kloke val, hald deg
vaken!»
v/Torbjørn Aamli

28. november

Ostereidet kyrkje kl 11.00
søndag i advent
Gudsteneste for små og
store.
«Lys vaken». v/Torbjørn
Aamli



Mo kyrkje



Vike kyrkje



Ostereidet kyrkje



Hjelmås kapell

DÅP – Ikkje for seint å ha dåp!

Koronaen har ført til at mange har utsett både dåp og vigslar. Vi legg opp til at vi no oftast kan ha opp til to dåp på gudstenester i Ostereidet, og ein i Hjelmås, Vike og Mo. I Osterfjorden kan du tinge plass til desse på heimesida, eller ved å ringje. Men vi er og opne for å ha eiga dåpsgudsteneste etter den vanlege gudstenesta. Då må dette tingast ved å ringje kyrkjekontoret.

Når dåpskjolen er for liten...

Nokre er leie for at dåpskjolen har blitt for liten, eller tenkjer at barnet allereie har blitt «for stort» - til dømes - over eitt år.... For det første kan vi seie at det ikkje er så viktig med dåpskjolen. Fine klede er bra! Og: Vi døyper gjerne barn i alle aldrar, - og vaksne med, om dei ikkje er døypte frå før. Ta gjerne kontakt med presten om de vil snakke om det.

FASTE AKTIVITETAR I OSTERFJORDEN

Ostereidet kyrkje

Sprell levande
Søndagsskule 1.-4.klasse
Onsdagar kl.12.45-14.15
(Oddetalsveker)
Ingunn Skeie Buanes,
95823103

Ostereidet Soul Children
Onsdagar kl.17.30-18.30
Renate Waldow, 91550548
Fredagskafeen
Fredagar kl.20-23.00
Bjørn Ingvar Eidsheim,
971 45 120

Te Deum
Onsdagar kl.19.00-21.00
Solfrid Hindenes, 90117981

Osterklang
Torsdagar kl.17.00-19.00
Solveig Eide, 98647358
Pensjonistlaget
Torsdagar kl.16.30
Arnfinn Hellenvang,
97601675
Siste torsdag i mnd.

Strikkekafeen
startar opp att tirsdagar i
partalsveker, 21.9. kl 19.00 i
Ostereidet kyrkje.

Bøn og lovsang
startar opp att måndagar i
partalsveker, 20.9. kl 19.00 i
Ostereidet kyrkje.

Hjelmås kapell

Jungelgjengen
Tysdagar kl.17.30-19.00
Helga A.Eikrem, 41648493
Småbarnstrall
Onsdagar i partalsveker
Bjørn D. Nygård

Borgstova på Vikanes

Laurdagsgraut
Borghild Toft, 48057831